



Broj: 02-1-02-4014:2 /22  
Zenica, 01.04.2022. godine

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Primijeno: 05-04-2022			
Org. jed.	Broj	Priloga	Vrijednost
01-	02-	542	/22

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
ZATUPNIČKI/PREDSTAVNIČKI DOM  
n/r Tajnika/Sekretara

**PREDMET: Odgovor na zastupničko pitanje, dostavlja se**

U skladu sa članom 116. stav 3. Poslovnika Zastupničkog doma Parlamenta Federacije BiH dostavljamo Vam odgovor Ministarstva za obrazovanje, nauku, kulturu i sport Zeničko-dobojskog kantona na zastupničko pitanje koje je postavila zastupnica Jasmina Zubić na 30. redovnoj sjednici Zastupničkog doma Parlamenta Federacije BiH, a u vezi sa usklađivanjem Uputstva o načinu priznavanja prava na zdravstveno osiguranje učenika i studenata.

S poštovanjem,

Dostavljeno:

Naslovu,  
 a/a.



SEKRETAR

*Redžid Mulagić*



Broj: 10-34-96-16/22  
Zenica, 28.03.2022. godine

31-03-2022

02-1/m

02-2/03-1 h/s

**VLADA ZENIČKO-DOBOJSKOG KANTONA**

**n/r premijera**  
**n/r sekretara**

**PREDMET:** Odgovor na zastupničku inicijativu, *dostavlja se*

Poštovani,


U vezi sa Vašim Aktom, broj: 02-1-02-4014-1/22 od 17.03.2022. godine, prilogu akta Vam dostavljamo odgovor na zastupničku inicijativu koju je iznijela Jasmina Zubić na 30. redovnoj sjednici Zastupničkog doma Parlamenta Federacije BiH, a u vezi sa usklađivanjem Uputstva o načinu priznavanja prava na zdravstveno osiguranje učenika i studenata.

S poštovanjem,

Prilog:

- Uputstvo o načinu priznavanja prava na zdravstveno osiguranje i ostvarivanje osnovne zdravstvene zaštite učenika i studenata koji nisu zdravstveno osigurani po drugom osnovu („Službene novine Zeničko-dobojskog kantona”, broj: 3/11).

Dostavljeno:  
2 x Naslovu,  
2 x a/a (04)



**MINISTAR**

*Prof. dr. Spahija Kozlić*

Na 30. redovnoj sjednici Zastupničkog doma Parlamenta Federacije BiH održanoj 09.03.2022. godine, zastupnica Jasmina Zubić podnijela je inicijativu Ministarstvima obrazovanja svih kantona da hitno usklade Uputstva o načinu priznavanja prava na zdravstveno osiguranje i ostvarivanje osnovne zdravstvene zaštite učenika i studenata koji nisu osigurani po drugom osnovu sa Zakonom o zdravstvenom osiguranju („Službene novine FBiH“, broj: 30/97, 7/02, 70/08, 48/11 i 36/18).

Na zastupničku inicijativu dajemo sljedeći odgovor:

Uputstvo o načinu priznavanja prava na zdravstveno osiguranje i ostvarivanje osnovne zdravstvene zaštite učenika i studenata koji nisu zdravstveno osigurani po drugom osnovu („Službene novine Zeničko-dobojskog kantona“, broj: 3/11) doneseno je na osnovu člana 14., stav 1. Zakona o kantonalnim ministarstvima i drugim tijelima kantonalne uprave-Prečišćeni tekst („Službene novine Zeničko-dobojskog kantona“, broj: 13/08), **a u vezi sa članom 86., tačka 8., Zakona o zdravstvenom osiguranju** („Službene novine Federacije BiH“, broj: 30/97, 07/02 i 70/08).

Članom 86. tačka 8. Zakona o zdravstvenom osiguranju propisano je da su: „*Obveznici obračunavanja i uplate doprinosa za obavezno zdravstveno osiguranje: organ uprave kantona nadležan za obrazovanje - za učenike odnosno studente koji nisu osigurani po drugom osnovu u skladu sa članom 19. točka 13a. Zakona, kao i za učenike odnosno studente koji vrše praktičan rad u svezi s nastavom,*“, a članom 19. tačka 13 a) propisano je da: „su prema ovom zakonu osiguranici: djeca od rođenja, kao i djeca za vrijeme redovnog školovanja u osnovnim i srednjim školama odnosno studiranja na višim i visokim školama te fakultetima, koja su državljani Bosne i Hercegovine sa prebivalištem na teritoriju Federacije, a nisu zdravstveno osigurana kao članovi porodice osiguranika, ali najduže do navršene 26. godine života.“

Iz naprijed citiranih odredbi Zakona o zdravstvenom osiguranju proizilazi da su učenici odnosno studenti koji nisu osigurani po drugom osnovu (to jest nisu osigurani kao članovi porodice osiguranika), na koje se između ostaloga odnosi predmetna *Uredba o načinu priznavanja prava na zdravstveno osiguranje i ostvarivanje osnovne zdravstvene zaštite učenika i studenata koji nisu zdravstveno osigurani po drugom osnovu*, osiguranici najduže do navršene 26. godine života.

S poštovanjem,



MINISTAR

*Prof. dr. Spahija Kozlić*



BOSNIA AND HERZEGOVINA  
FEDERATION OF BOSNIA AND HERZEGOVINA  
PARLIAMENT OF THE FEDERATION  
HOUSE OF REPRESENTATIVES  
*Secretary*

Broj: 01-02-542/22  
Sarajevo, 09.03.2022. godine

02-02 10/11/2022  
10/11/2022

VLADA KANTONA SARAJEVO  
n/p tajnika

VLADA HERCEGOVAČKO-NERETVANSKOG KANTONA  
n/p tajnika

VLADA UNSKO-SANSKOG KANTONA  
n/p tajnika

VLADA SREDNJBOSANSKOG KANTONA  
n/p tajnika

VLADA TUZLANSKOG KANTONA  
n/p tajnika

VLADA ZAPADNOHERCEGOVAČKOG KANTONA  
n/p tajnika

VLADA KANTONA 10  
n/p tajnika

VLADA POSAVSKOG KANTONA  
n/p tajnika

VLADA ZENIČKO-DOBOJSKOG KANTONA  
n/p tajnika

VLADA BOSANSKO-PODRINJSKOG KANTONA  
n/p tajnika

PREDMET: Inicijativa

U pravitku Vam dostavljamo na nadležni postupak inicijativu koju je podnijela zastupnica Jasmina Zubić na 30. redovitoj sjednici Zastupničkoga doma Parlamenta Federacije BiH održanoj 09.03.2022. godine.

S poštovanjem,

Dostaviti:

- Naslovu
- Službi Zastupničkoga doma
- a/a

TAJNIK  
Ivan Miličević

Jasmina Zubić

zastupnica u Zastupničkom domu Parlamenta Federacije BiH

Zastupnički dom Parlamenta Federacije BiH

n/r predsjedavajućeg gosp. Mirsada Zaimovića

Bosna i Hercegovina  
Federacija Bosna i Hercegovina  
**PARLAMENT FEDERACIJE**  
**SARAJEVO**

Primljeno: 09-03-2022			
Org. jed.	Broj	Priloga	Vrijednost
01	-02-	542	122

Predmet: Inicijativa

Na osnovu člana 11. Poslovnika Zastupničkog doma Parlamenta Federacije upućujem Inicijativu Ministarstvima obrazovanja svih kantona da hitno usklade Uputstva o načinu priznavanja prava na zdravstveno osiguranje i ostvarivanje osnovne zdravstvene zaštite učenika i studenata koji nisu osigurani po drugom osnovu sa Zakonom o zdravstvenom osiguranju Federacije BiH Sl.nov: 30/97,7/02,70/08,48/11 i 36/18.

Obrazloženje: Članom 25. stav 1. Zakona o zdravstvenom osiguranju FED BiH propisano je da učenici srednjih škola i redovni studenti viših i visokih škola, te fakulteta koji su državljanji Federacije Bosne i Hercegovine, a nisu zdravstveno osigurani kao članovi porodice osiguranika, imaju pravo na zdravstvenu zaštitu u istom obimu kao i članovi porodice osiguranika. U stavu 3. istog člana propisano je da im prava iz stava 1. pripadaju dok imaju svojstvo učenika, odnosno redovnog studenta. Znači, jedini uslov za ostvarivanje ovog prava je potvrda o redovnom školovanju. Međutim, u praksi se ne primjenjuje ovaj član Zakona i studentima koji su redovno upisani (najčešće u završnu godinu studiju), a u toku redovne studijske godine napune 26 godina života, obustavlja se pravo na zdravstvenu zaštitu putem kantonalnih ministarstava za obrazovanje i isti se upućuju na dobrovoljno osiguranje.

Ovu nepravdu prema studentima je neophodno hitno ispraviti i omogućiti im pravo na zdravstveno osiguranje do isteka školske godine ukoliko su stekli status redovnog studenta u skladu sa Zakonom (upisani kao redovni studenti do 26 godine života).

Sarajevo, 9. 3. 2022. god.

Jasmina Zubić

90.

Na osnovu člana 16. stav 4. Zakona o Vladi Zeničko-dobojskog -Prečišćeni tekst („Službene novine Zeničko-dobojskog kantona”, broj: 7/10) i Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije Bosne i Hercegovine“, broj 46/05 i 61/07.), Vlada Zeničko-dobojskog kantona, na 207. sjednici, održanoj 03.02.2011. godine, d o n o s i

## ZAKLJUČAK

### I.

Prihvata se Plan korištenja sredstava posebne naknade za zaštitu i spašavanje za period 01.01. do 31.03.2011. godine u Zeničko-dobojskom kantonu, i čini sastavni dio ovog zaključka.

### II.

Zadužuje se Kantonalna uprava civilne zaštite, Ministarstvo finansija i Služba za zajedničke poslove za realizaciju Plana korištenja sredstava posebne naknade za zaštitu i spašavanje za period 01.01. do 31.03.2011. godine u Zeničko-dobojskom kantonu, uz obavezu Kantonalne uprave civilne zaštite da vodi računa o namjenskom utrošku sredstava.

### III.

Utrošak sredstava vršit će se na osnovu Odluke o privremenom finansiranju Zeničko-dobojskog kantona za period januar-mart 2011. godine, sa razdjela 14 – Kantonalna uprava civilne zaštite, budžetska organizacija 01, potrošačka jedinica 0001, u skladu sa Planom korištenja sredstava posebne naknade za zaštitu i spašavanje za period 01.01. do 31.03.2011. godine u Zeničko-dobojskom kantonu iz tačke I. ovog zaključka.

Davanja pomoći pravnim i fizičkim licima, u okviru iznosa predviđenog Planom, vršit će se na osnovu odluka i zaključaka Vlade.

### IV.

Zaključak stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-14-3422/11.  
Datum, 03.02.2011. godine  
Zenica

**PREMIJER**

**Miralem Galijašević, s.r.**

## MINISTARSTVO ZA OBRAZOVANJE, NAUKU, KULTURU I SPORT

91.

Na osnovu člana 14., stav 1. Zakona o kantonalnim ministarstvima i drugim tijelima kantonalne uprave-Prečišćeni tekst- („Službene novine Zeničko-dobojskog kantona“, broj: 13/08), a u vezi sa članom 86., tačka 8., Zakona o zdravstvenom osiguranju („Službene novine Federacije BiH“, broj: 30/97, 07/02 i 70/08), ministrica Ministarstva za obrazovanje, nauku, kulturu i sport Zeničko-dobojskog kantona d o n o s i:

### U P U T S T V O

**o načinu priznavanja prava na zdravstveno osiguranje i ostvarivanje osnovne zdravstvene zaštite učenika i studenata koji nisu zdravstveno osigurani po drugom osnovu**

#### Član 1. (Predmet Uputstva)

Ovim Uputstvom određuju se nadležni organi za provođenje postupka, uvjeti i način ostvarivanja zdravstvenog osiguranja i zdravstvene zaštite učenika i studenata koji nisu zdravstveno osigurani po drugom osnovu, kao i za učenike odnosno studente koji vrše praktičan rad u vezi sa nastavom (u daljem tekstu: „korisnici“), postupak evidentiranja ovih osoba, način prijavljivanja odnosno odjavljivanja tih osoba kod nadležne Porezne uprave, kao i druga pitanja vezana za ostvarivanje zdravstvene zaštite korisnika.

#### Član 2. (Osobe koje ostvaruju pravo na zdravstvenu zaštitu – korisnici)

Osobe koje ostvaruju pravo na zdravstvenu zaštitu u skladu sa Zakonom o zdravstvenom osiguranju („Službene novine Federacije BiH“, broj: 30/97, 07/02 i 70/08), kao i članom 1. ovog Uputstva – korisnici su:

- a) učenici odnosno studenti koji nisu osigurani po drugom osnovu;
- b) učenici odnosno studenti koji vrše praktičan rad u vezi s nastavom;

### Član 3.

#### (Organi za provođenje postupka priznavanja prava na zdravstvenu zaštitu)

- (1) Prvostepeni organi za provođenje postupka priznavanja prava na zdravstvenu zaštitu, su resorno nadležne, odnosno resorno zadužene općinske službe za društvene djelatnosti prema mjestu prebivališta odnosno boravišta korisnika iz člana 2. ovog uputstva.
- (2) O žalbi protiv rješenja prvostepenih organa rješava Ministarstvo za obrazovanje, nauku, kulturu i sport Zeničko-dobojskog kantona.

### Član 4.

#### (Evidencija o korisnicima zdravstvene zaštite)

- (1) Nadležni prvostepeni organi za provođenje postupka priznavanja prava na zdravstvenu zaštitu vode i ustrojavaju evidenciju o korisnicima iz svoje nadležnosti na osnovu priznatog prava na korištenje zdravstvene zaštite.
- (2) Službena evidencija korisnika zdravstvene zaštite vodi se kroz knjigu evidencije i sadrži sljedeće podatke:
  - redni broj,
  - ime i prezime,
  - godina rođenja korisnika,
  - jedinstveni matični broj građana,
  - mjesto boravišta ili prebivališta,
  - broj akta o priznavanju prava na osnovu kojeg neko lice stiče svojstvo korisnika zdravstvene zaštite,
  - datum prijavljivanja korisnika Poreznoj upravi, kao i datum izdavanja zdravstvene legitimacije,
  - datum odjavljivanja korisnika kod Porezne uprave.

### Član 5.

#### (Postupak priznavanja prava korištenja zdravstvene zaštite)

- (1) Postupak za priznavanje prava na zdravstvenu zaštitu nadležni prvostepeni organ pokreće i vodi po zahtjevu lica koje smatra da mu to pravo pripada, odnosno po zahtjevu njegovog zakonskog zastupnika, ili po službenoj dužnosti kad nadležni organ raspolaze podacima ili vjerodostojnim saznanjima da lice ne ostvaruje ili ne može ostvariti zdravstvenu zaštitu po drugom osnovu, a prema pravilima propisanim

Zakonom o upravnom postupku („Službene novine Federacije B i H“, broj: 2/98 i 48/99).

- (2) U slučaju da podnositelj zahtjeva iz stava (1) ovog člana, ne može na drugi način dokazati da ne ostvaruje zdravstvenu zaštitu, (*pribavljanje validnog i ovjerenog uvjerenja obrazovne ustanove kojom se potvrđuje status učenika/studenta*), može dati izjavu pod punom materijalnom i krivičnom odgovornošću, pred službenim licem, da ne koristi obavezno zdravstveno osiguranje niti po jednom drugom osnovu.

### Član 6.

#### (Prijavljivanje korisnika i izdavanje zdravstvene knjižice)

- (1) Nakon što u skladu sa odredbama ovog Uputstva nadležni prvostepeni organ prizna pravo na zdravstvenu zaštitu, popunit će prijavu na obavezno zdravstveno osiguranje Poreznoj upravi navodeći registarski identifikacioni broj Zeničko dobojskog kantona kao obveznika uplate doprinosa., a zdravstvenu legitimaciju dostaviti na dalju obradu Zavodu zdravstvenog osiguranja Zeničko-dobojskog kantona.
- (2) Zavod zdravstvenog osiguranja Zeničko-dobojskog kantona će izvršiti provjeru da li osoba na koju se prijava odnosi, već uživa pravo na obavezno zdravstveno osiguranje po nekom drugom osnovu i ukoliko utvrdi da se radi o aktivnom korisniku, o tome obavještava nadležni prvostepeni organ, a u suprotnom ovjerava osiguraniku-korisniku zdravstvenu legitimaciju.

### Član 7.

#### (Odjava obaveznog zdravstvenog osiguranja)

Nadležni prvostepeni organ podnosi odjavu sa osiguranja za osiguranika na propisanom obrascu Poreske uprave (*obrazac JS3100*), u roku od 8 dana od dana donošenja rješenja o prestanku statusa korisnika iz člana 2. ovog uputstva.

### Član 8.

#### (Dostavljanje izvještaja o korisnicima zdravstvene zaštite)

Nadležni prvostepeni organi će dostavljati mjesečne izvještaje ovom Ministarstvu o broju lica korisnika zdravstvene zaštite i broju odjavljenih lica.

**Član 9.**  
**(Stupanje na snagu)**

Uputstvo stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj:10-02-3840/11.  
Zenica, 10.02.2011.godine

**MINISTRICA**

**Zdenka Merdžan, s.r.**

.....

92.

**Dopuna**  
**Spiska verifikovanih srednjih škola i domova učenika**  
**u Zeničko-dobojskom kantonu, upisanih u registar**  
**srednjih škola i domova učenika u školskoj 2010/2011.**  
**godini**

**I.**

U Spisku verifikovanih srednjih škola i domova učenika u Zeničko-dobojskom kantonu upisanih u registar srednjih škola i domova učenika u školskoj 2010/2011. godini (“Službene novine” Zeničko-dobojskog kantona br: 12/10), dopunjuje se tačka I., stav 19. (*zanimanja mašinske stručne škole*) tako da se iza riječi “zavarivač” dodaje riječ “metalostrugar”.

**II.**

Ova dopuna Spiska stupa na snagu danom donošenja, a objavit će se u „Službenim novinama Zeničko-dobojskog kantona”

Broj: 10-38-27613-19/10.  
Zenica, 08.02.2011.godine

**MINISTRICA**

**Zdenka Merdžan, s.r.**

.....